

TEKS UCAPAN YBHG. PROF DATO' TS DR YUSERRIE BIN  
ZAINUDDIN

Terima kasih Saudari Pengacara Majlis

(SALUTASI)

1. Assalamualaikum Warahmatullahi Wabarakatuh Salam Sejahtera dan Selamat Petang.
2. Alhamdullillah, bersyukur ke hadrat Allah Subhanahu wa Ta'ala kerana dengan limpah kurnia-Nya dan keizinan-Nya kita dapat hadir bersama-sama di Majlis ini pada petang yang sungguh berbahagia ini.
3. Terlebih dahulu, saya mengucapkan terima kasih kepada pihak MATAHARI yang diwakili Presidennya Datin Dr Mazita binti Mokthar kerana menjemput dan memberi penghormatan kepada saya dan isteri untuk menghadiri majlis Hi-Tea Persatuan Wanita UMP (MATAHARI) pada hari ini.
4. Di kesempatan ini juga, saya mengalu-alukan kehadiran kesemua dif-dif kehormat kita dan ahli-ahli MATAHARI yang hadir. Tuan-Tuan Dan Puan-Puan Yang Dihormati Sekalian, kakitangan-kakitangan UMP merupakan aset yang penting yang sentiasa diberi perhatian oleh pihak pengurusan UMP. Tanpa penglibatan dan sokongan mereka, UMP tidak dapat menempa nama dan terus gemilang menjadi antara university awam yang cemerlang.

Di UMP amalan kerja yang berprestasi tinggi telah menghasilkan impak yang cukup baik di mana pencapaian UMP didalam ranking-ranking antarabangsa adalah amat baik saban tahun. Biarpun begitu komitment UMP dalam memasyarakatkan Universiti tetap berterusan dengan menyokong penubuhan persatuan-persatuan dikalangan pelajar dan staf. Ini dapat dilihat apabila MATAHARI yang ditubuhkan pada tahun 2009 telah menyumbang banyak tenaga dan idea dan tenaga dalam pembangunan UMP sebagai sebuah university awam yang cemerlang dikawasan Pantai timur semenanjung Malaysia.

5. Penubuhan MATAHARI adalah bersesuaian dengan motto persatuan ini iaitu “MATAHARI bersinar UMP berseri” dimana aktiviti-aktiviti yang dianjurkan MATAHARI bukan sahaja telah memberi manfaat kepada ahlinya tetapi juga mengharumkan nama UMP. Dalam konteks perkhidmatan awam, UMP sentiasa menunjukkan keprihatinan dalam menjaga kebajikan dan kepentingan kakitangan UMP. Kakitangan UMP disarankan supaya berusaha untuk memberikan perkhidmatan yang terbaik kepada semua pemegang taruh (stakeholders) UMP. Ini termasuklah masyarakat sekitar kampus UMP di Pekan dan Gambang. Umum mengetahui bahawa, sebelum kewujudan UMP di Pekan dan Gambang, masyarakat sekitar amat dahagakan pembangunan ekonomi dan sosial. Dengan wujudnya UMP banyak manfaat telah diperolehi oleh masyarakat setempat, oleh yang demikian penubuhan Yayasan UMP dan persatuan-persatuan di UMP yang mengembeling tenaga meningkatkan kemahiran warga UMP sama ada pelajar atau kakitangannya adalah sangat bertepatan dengan tema memasyarakatkan

university. Sejak dari dulu, UMP melalui persatuan-persatuan pelajar dan kakitangan UMP saban tahun menyumbang didalam pelbagai aktiviti kebajikan untuk masyarakat setempat seperti menjadi sukarelawan banjir dan apa sahaja aktiviti yang dapat meningkatkan nilai tambah masyarakat setempat.

6. Sebagai sebuah universiti awam, kakitangan UMP haruslah sentiasa bekerja dengan penuh integriti, bekerja dalam pasukan, berinovatif, proaktif dan responsif kepada ekspektasi stakeholders UMP. Kakitangan yang berilmu, berhikmah dan berintegriti adalah sumber kekuatan kepada UMP dan ini semua boleh dipelajari oleh kakitangan UMP dengan berpesatuan seperti menjadi ahli MATAHARI. Saya berharap agar ahli MATAHARI dapat menjadi pendorong kepada rakan-rakan yang lain untuk turut sama menjadi kakitangan yang hebat.
7. Hadirin Yang Dihormati Sekalian Kebajikan kakitangan UMP amat dititikberatkan oleh pihak pengurusan UMP. UMP telah menubuhkan unit kebajikan di Jabatan Pendaftar untuk menyediakan pelbagai kemudahan bagi meringankan beban kewangan kakitangan yang menghadapi masalah kesihatan dan memerlukan rawatan berterusan. Caruman khairat kematian juga diwujudkan untuk disertai oleh kakitangan UMP. Namun begitu, MATAHARI turut menambah insentif kebajikan tersebut untuk ahli-ahlinya dan ini sangatlah digalakkan kepada persatuan-persatuan yang ditubuhkan untuk warga UMP.

8. Lanjutan daripada Pandemik COVID-19, UMP telah melaksanakan Inisiatif Bekerja Dari Rumah (Work from home) kepada kakitangan UMP dan inisiatif Bekerja Dari Rumah adalah satu kaedah yang membolehkan kakitangan melaksanakan semua tanggungjawab tugas dari luar pejabat tanpa menjelaskan fungsi dan struktur UMP. Perlaksanaan inisiatif ini alhamdulilah memberi kesan positif kepada UMP disamping dapat mengekang penularan COVID-19. Sewaktu perlaksanaan BDR, warga UMP berjaya menyesuaikan diri dengan sebaik mungkin, dan persatuan-persatuan di UMP seperti MATAHARI berterusan memberikan bantuan-bantuan seperti bakul makanan kepada kakitangan UMP yang dijangkiti COVID-19. MATAHARI juga telah membantu UMP dengan memberi bantuan kepada bilik gerakkan bencana juga kepada pelajar-pelajar UMP yang terpaksa dikuarentin. Ini adalah sesuatu yang amat dibanggakan kerana ahli-ahli persatuan turut menjadi frontliners sewaktu negara dilanda COVID-19.
9. Tuan-Tuan Dan Puan-Puan Yang Dihormati Sekalian Kita semua sebagai penjawat awam harus menyedari bahawa cabaran kerja pada masa kini amat berbeza sekali berbanding cabaran pada masa lalu. Kini, rakyat atau stakeholders semakin hari semakin menuntut perkhidmatan yang lebih cepat, cekap, telus dan efektif. Kita perlu melaksanakan tugas dan amanah tersebut dengan penuh tanggungjawab dan berkesan. Adalah diharapkan bahawa warga kerja UMP amnya dan ahli-ahli MATAHARI khususnya akan dapat sentiasa memberikan perkhidmatan yang cemerlang kepada rakyat bagi memenuhi keperluan dan aspirasi mereka. Kita harus terus melengkapkan diri dengan kemahiran terkini (emerging skills) bagi memastikan kita dapat memberi perkhidmatan yang

relevan dan berkualiti kepada pelajar, kakitangan UMP dan semua stakeholders.

10. Akhir kata, semoga UMP dapat memberikan value added kepada UMP dan seluruh masyarakat di Malaysia mahupun antarabangsa. Sekali lagi saya ucapkan tahniah dan syabas kepada MATAHARI UMP, semoga terus maju dan success di dalam kerja-kerja murni mahupun sukarelawan yang dilaksanakan.
11. Sekian terima kasih.

Disediakan : Nor Ilma Binti Mustafa Kamal

Disemak:Datin Dr Hajah Mazita Binti Mokhtar